

Script of Morning Gojri News Bulletin 28 December 2025 at 1015 Hrs

ما رننگ گو جری نیوز بلیٹن مو رخہ 28 دسمبر 2025

یوہ آکاشوانی جموں ہے محمد امین انجم تیں خبر سُنو۔

PM MKB

وزیر اعظم نریندر مو دی اج سویر 11 بجے ملک تے بیرون ملک رہن آلا لوکاں سنگ اپنا خیالات سانجھا کریں گا۔ ماہانہ ریڈیو پروگرام من کی بات غی 129 ویں قسط ملک پھر ماہانہ آکاشوانی تے دور درشن غا تمام چینلاں ورنشر وے گی۔ یوہ پروگرام اے آئی آر نیوز ویب سائٹ تے نیوز آن اے آئی آر مو بائل ایپ وروی نشر وے گو۔ اسے طرح مذکورہ پروگرام اے آئی آر نیوز، ڈی ڈی نیوز، وزیر اعظم غا دفتر تے اطلاعات و نشریات وزارت غا یوٹیوب چینلاں وروی براہ راست چلے گو۔ آکاشوانی اس ماہانہ ریڈیو پروگرام غی ہندی نشر تیں فوراً بعد پروگرام غو علاقائی زبانان مانہ ترجمو نشر کرے گو۔

LG Houses

لیفٹنٹ گورنر منوج سنہا نے اُن 320 کھراں غی تعمیر واسطے نی پتھر رکھیو، جہیڑا ضلع ریاسی غے

اندر سیلاباں تے زمین کھکسن غا نتیجہ مانہ مکمل طو
ر ور تباہ ہو گیا تھا۔ یہ کہر ایچ آر ڈی ایس انڈیا غی
حمایت نال تعمیر کیا جا ئیں گا۔ لیفٹنٹ گورنر نے کہیو
جے انتظامیہ یوہ یقینی بنان غا واعدہ غی پابند ہے جے
قدرتی آفات تیں متاثر کوئی وی گنہو کمزور یاہ فائدہ تی
محروم نہ رہ جائے۔ اُنہاں نے مزید کہیو جے پچھلا
5 بہراں مانہ جموں کشمیر نے مربوط ٹھوس سماجی
تے ڈیجیٹل ترقی ور لوک پہلاں نقطہ نظر نال توجہ
مرکوز کی ہے۔ اُنہاں نے کہیو جے سنجیدہ کوششاں
غا نتیجہ مانہ پورا جموں کشمیر نے تیز تے مجموعی
ترقی حاصل کی۔

Dar Kisan Mela

ذرعی پیداوار غا وزیر جا وید احمد ڈار نے بشناہ
جموں مانہ اک کسان میلہ غو افتتاح کیو۔ یوہ پروگرام
جموں کشمیر کسان مشاورتی بورڈ تے ذراعت بارے
ڈائریکٹوریٹ غی طرفوں منعقد کیو گیو، جس غو مقصد
سرکاری اسکیم براہ راست کساناں تک لے جانو ہے۔
اس موقع ور وزیر موصوف نے کہیو جے سرکار
کسان طبقہ نانہ بوہاں ور سہولت مہیا کران گا واعدہ
غی پابند ہے۔ موسم غی وجہ نال درپیش للکاراں تے
عالمی تپش غو حوالو دیتاں واں اُنہاں نے روائتی فصل
غا نموناں تیں آگے چل غے نقدی فصلاں، باغبانی تے

اس نال جڑی سرگرمیں اپنان غی ضرورت ور زور
پایو۔ وزیر موصوف نے جانکاری دتی جے محکمو
بکھ بکھ اسکیمان غے تحت نوجواناں واسطے ہنر
تربیت غے نال نال مالی مدد وی بدھا رہیو ہے۔

Jammu Marathon

اتحاد واسطے دوڑ جموں میراتھن 2025 اج جموں
کشمیر پولیس اپنا سوک ایکشن پروگرام غے تحت
منعقد کر رہی ہے، اے ڈی جی پی آنند جین نے اس
سلسلہ غی دوڑ نانہ جھنڈی دس غے روانہ کیو۔ اس
ضمن مانہ مفت اندراج، ٹی شرٹس، رفرشمنٹ تے
ثقافتی پروگرام وغیرہ اس دوڑ غی خاص گل ہیں۔ دوڑ
مانہ تمام عمر غا مرد، کالسریں، لوہکی عمر غا افراد،
سابق فوجی تے بزرگ لوک بڑی گنتری مانہ حصو
لے رہیا ہیں۔ اس سلسلہ مانہ 4.70 لکھ روپیاں غا نقد
انعام دتا جا رہیا ہی۔ جن مانہ پہلو انعام 50 ہزار روپیاں
غو ہے۔

Itoo Academic Block

وزیر تعلیم سکینہ اتو نے ضلع ریا سی مانہ سرکاری
ڈگری کالج پونی غی نویں تعمیر ہوئی تعلیمی بلاک
غو افتتاح کیو۔ اس موقع ور اجتماع نال خطاب کرتاں
واں موصوفہ نے کہیو جے سرکار دیہی تے دور
دراز علاقان مانہ معیاری تعلیم غی رسائی بدھان غی

واعدہ غی پابند ہے ۔ اُنہاں نے کہیو جے نویں تعمیر
ہوئی بلاک جدید جماعتی کمران تے لیکچراران سنگ
لین ہے ۔ طالب علماں تے اساتذہ تے لوکاں غا وفود نال
گل کرتاں واں وزیر تعلیم نے فر کہیو جے سرکار
لوک مرکوز نقطہ نظر نال لوکاں تے خاص کر دور دراز
علاقاں غی مشکلات ویلے سر حل کرن غا واعدہ غی
پابند ہے ۔

JK Anti Terror Ops

جس راہ جے جموں کشمیر 40 تیہاڑاں غی سخت ٹھنڈ
چلے کلاں مانہ ہے، بھارتی فوج ے کشتواڑ تے ڈوڈہ
ضلعان مانہ دہشت گردی غے خلاف کاروائیاں تیز کر
دتی ہیں۔ اس سلسلہ مانہ فوجی یونٹاں نے اپنی
روائی اچیرا برفیلا علاقاں تک بدھا دی ہیں، تاں جے
پاکستانی دہشت گرداں ناہے مار مکایو جا سکے۔

J&K JKAACL

فن ثقافت تے زبانان با رے اکیڈمی آف آرٹ کلچر اینڈ
لینگویجز اج شام ساڈھے 4 بجے ابھینو تھیٹر جموں مانہ
کلاسیکل تے لوک ناچ "دیش کا رنگ نرتیا کے سنگ"
منعقد کر رہی ہے ۔ آکاشوانی جموں غا نمائندہ نے
رپورٹ ٹوری ہے جے پروگرام بھارت غی رنگا رنگی
تے ثقافت غی خوشی منانو ہے ۔

Weather

محکمہ موسمیات نے پلک تک جموں کشمیر مانہ موسم جزوی طور پر ابرآلود رہن غی پیشنگوئی کی ہے۔ محکمہ نے کہیو ہے جے 30 دسمبر تیں اس حالت مانہ کتے کتے ہلکی بارش تے برفباری نال تبدیلی آن غو امکان ہے۔ اسے طرح 31 دسمبر تے یکم جنوری نانہ کئیں جگہیں خاص کر شمال تے مرکزی کشمیر غا اُچیرا علاقان مانہ ہلکی بارش تے برفباری ہو سکے۔ اس سلسلہ مانہ جموں ڈویزن غا میدانی علاقان مانہ گھناتیں درمیانی دھند رہ سکے۔
